

Baez Daih'it Cawj Ngaiz

第一次煮饭

贵港市覃塘区蒙公乡廖瑞小学三年级 周佳敏

Ngoenz singhgiz, daxboh caeuq daxmeh bae rog guhhong mbouj ma ranz gwn ngaiz, caenh miz gou caeuq dahnuengx youq ranz. Daxmeh okbae seiz daengq gou naeuz: “Dahnuengx lij iq, caengz rox cawj ngaiz, cawj ngaiz couh gvi mwngz lo.”

Banngaiz cib'it diemj, gou caeuq dahnuengx dungx cungj iek lo, gou couh bae cawj ngaiz. Gou yawjraen ndaw gu miz ngaiz lw, couh daek okdaej, dawz gu swiq seuq, rau haeuxsan, gou siengj, cijmiz gou caeuq dahnuengx song boux vunz, wnggai rau bueng gaen haeuxsan couh gaeuq lo. Gou rau ndei haeux, cuengq raemx roengzbae swiq seuq, gya raemx seiz, gou hawj raemx mued gvaq haeuxsan it lizmij sang, sim ngeix, wnggai hab lo. Yienzhaueh gou dawz damjgu uet hawj cuengq roengz gu bae, goeb ndei fa, cap dien, naenx aen haigvan. Gvaq ciblai faen cung le, haigvan diuq hwnjdaej lo, gu ngaiz rang-fwdfwd he couh cawj gug lo.

Gou caeuq dahnuengx couh daek ngaiz

daej gwn. Aenvih gou lij caengz rox cawj byaek, ndigah dou cij gwn ngaiz hoengq. Caenhguenj mbouj miz byaek, hoeng gwn gij ngaiz rangfwdfwd swheij cawj haenx, gamjdaengz gig feih. Gou gietsim ngoenzcog couh hag cawj byaek, gou roxdaengz, swheij doengh fwngz, miz gwn miz daenj.

(指导教师:吴志平)



Daxboh Gou

我的父亲

贵港市覃塘区蒙公乡廖瑞小学五年级 韦竟倡

Gou ceiq gyaez daxboh gou, aenvih daxboh gou ceiq gvansim gou.

Geiq ndaej miz bi ndeu seizdoeng, lwgfwnz gou mbouj siujsim deng mid heh lo, lae hauilai lwed. Daxboh yawjraen le, sikhaek dawz ywdingzlwed daej samj hwnj giz sieng bae, youh aeu baengzsa daej bau ndei, lwed cij dingz. Gou yawj daxboh guh gijneix, ndawsim siengj: Daxboh caen lumj boux canghyw.

Daxboh mboujdanh dwg boux canghyw gou, lij dwg boux vunz bang gou gouqgip ndeu.

Miz baez ndeu, gou hwnqcong ceiz lo, bae hagdangz yaek cizdau lo, gou gipmuengz buet bae hagdangz. Sawqmwh baihaeng cienz daej sing mozdozceh. Gou ngeux gyaeu yawj, dwg daxboh, gou sim naemj: “Mbouj deng ha! Gunghcangj daxboh mbouj caeuq gou doengz fuengyiengq ya!” Gou dingz roengzdaej, cingq siengj cam daxboh, daxboh cix sien gangj lo, naeuz: “Daeglwg, mwngz siengjsiengj, mwngz lumz daiq gijmaz lo?” Gou sikhaek hai daehsaw yawj. O! Lumz daiq swdenj caeuq bouhlienhuu lo! Gvaiq mbouj ndaej daehsaw baenzneix mbaeu. Gou gaem ndei swdenj caeuq bouhlienhuu, daxboh couh doz gou bae hagdangz, ngamq daengz hagdangz, lingz hwnjdangz couh yiengj lo, caen yiemj!

Daxboh mboujdanh dwg boux gouqgip gou, lij dwg “beixnuengx” ndei gou.

Baez daengz singhgiz roek gyanghaemh, gou caeuq daxboh itdingh naengh youq gwnz congz guh dajcih youzhi. Miz baez ndeu, dou daj le geij ciengz, lij faen mbouj ok sawhingz, daxboh couh saj ok “bakhung fouzdig” daej daeuq gou riu, gou baez riu, faensim lo, mbouj siujsim couh saw lo, gou gangj mbouj suenqsoq, doeklaeng nauh baenz diemj cung bae. Daxmeh byaij haeujdaej ndaq dou: “Caen dwg song ‘beixnuengx’ cabheiq.”

Gou ceiq gyaez daxboh gou, aenvih de mboujdanh dwg daxboh, lij dwg “beixnuengx” ndei gou.

(指导教师:韦凤妹)

Gij Gyaez Daxbuz

奶奶的爱

贵港市覃塘区蒙公乡廖瑞小学五年级 韦星锋



Daxbuz gou bineix gaeng ndaej caetci lai bi lo. Daxbuz gou byoemgyaeu haumong, lwgda gig miz saenz, naj de ciengzseiz riunyumj, hawj vunz gamjdaengz de gig hozswnh hozunq.

Geiq ndaej gou doeg sam nienzgaep seiz, miz ngoenz ndeu banhaemh cuengqhag, gwnz mbwn sawqmwh doek fwnraq. Gou mbouj daiq miz liengj, cij ndei youq bakdou zozyau caj fwn dingz le caiq baema. Cib faen cung gvaqbae lo, ngeihcib faen cung gvaqbae lo, fwn yied doek yied hung, mbwn ciemhciemh fuemx lo, aendungx gou iek dwk yiengj “gugu”. Cingq youq seizneix, gou yawjraen ndaw fwn miz boux vunz he saemxsaemx saxsax byaij coh gou, gou uetuet aenda, sijsaeq yawjyawj, a! Dwg daxbuz gou! Gou sim angq dwk hemq hwnjdaej “Daxbuz……” Gou siengj daengz daxbuz gou bingzciengz ga in, seizneix de vihliux soengq liengj hawj gou goq mbouj ndaej ga in, gou ganjgip buet gvaqbae umj dawz daxbuz, daxbuz yungh gij fwngz raeujrub de got dawz gou naeuz: “Lan ha, raeuz baema ba!” Gou ngaekngaek gyaeu, gaem fwngz daxbuz byaij ma ranz. Youq gwnz loh, gou gaem gaiqfwngz raeujrub daxbuz, gamjdaengz daengx ndang cungj raeuj lo!

Gij gyaez daxbuz mbouj dan vih gou gang aen liengj ndeu, engq vih gou gang aen mbwn ndeu. Gienh saeh neix gaeng gvaqbae geij bi lo, hoeng lij ciengzciengz gamjdoengh gou, de son gou rox bae gamjgik caeuq hoiqbauq.

(指导老师:覃统规)

Baengzyoux Ndei Raeuz——Duzroeg

人类的好朋友——鸟

贵港市覃塘区蒙公乡廖瑞小学六年级 韦智

Ngoenzneix, mbwn raeujrubrub, youq ndaw ndoengfaex heuswdsd haenx, doenghduz cungj ciuq gij fuengsik daegbied swheij daej angqcoux moix ngoenz daeujdaengz, saedceij gvaq ndaej geilai vuenyungz ha!

Daxboh gig gyaez bae dwk roeg. Ngoenzneix, daxboh sim gig angq, beq hongdawz dwk roeg yaek bae dwk roeg. Gou raen le, couh ganjvaiq doiq daxboh naeuz: “Daxboh, mwngz gaej bae dwk roeg lo, mwngz rox lwi? Duzroeg dwg baengzyoux ndei vunzraeuz, de bang doenghgo gaeb nonhaih, miz duzroeg bang raeuz

soucingz cij ndei bw. Duzroeg lij hawj raeuz ciengqgo, vih raeuz daiqdaej angqyangz. Caiq gangj roeg iq hix miz sengmingh, raeuz gaeb de le, bohme de geilai siengsim ha! Raeu aeu baujhoh de, insik de, mbouj ndaej sienghaih de.”

Daxboh dingq gou gangj le, ngaekngaek gyaeu, mbouj ndei eiqseiq dwk gangj: “Ndei, daj neix hwnj gou mbouj caiq bae gaeb roeg lo, mbouj dwg mwngz gangj gij vah neix, seizneix, gou couh gaeb ndaej geij duz roeg lo. Vah mwngz gangj



ndaej gig miz dauhleix, raeuz wngdang baujhoh baengzyoux ndei raeuz.”

Baujhoh baengzyoux vunzraeuz——duzroeg, bouxboux aeu guhdaengz.

(指导教师:覃海洋)